

## ZENBATZAILEDUN EGITURA BATZUK DIRELA ETA JOSEBA GARAIALDE JAUNARI ERANTZUNA

*Gasteizen, 1999ko azaroaren 15ean.*

*Mila bostehun lagun hil dira, Bost laurogeiko jauzia egin du nahiz Errealak bi bat irabazi dio Athletic-i* adibideak zilegi diren galdetu digu Joseba Garaialde jaunak ala horietan guztietan *eta* juntagailua erabili behar ote den (bere iritzirako egokiago den aukera):

Gramatika batzordeak idazki honen bidez galdetzailearen iritzia edo irudipena berretsi egiten du, eta adierazi horietan hobesteko egiturak honako hauek direla:

*Mila eta bostehun lagun hil dira.*  
*Bost eta laurogeiko jauzia egin du.*  
*Errealak bi eta bat irabazi dio Athletic-i.*

Kasu horietan euskaraz juntagailua erabili izan du literatur tradizioak; gainera, lehen adibidearen kasuan, 1994an argitaratutako 7. arauak dioen bezala, *mila berrehun eta bat* da euskara batuan hobesteko egitura.

*Jesus Mari Makatzaga,*  
*Gramatika batzordeko idazkaria*